



*Ministarstvo poljoprivrede, vodoprivrede  
i šumarstva  
Kantonalna uprava za šumarstvo*

*Ministarstvo poljoprivrede,  
vodoprivrede i šumarstva  
Kantonalna uprava za šumarstvo*

Broj: 01-14-34-/18-191

Datum: 30.12.2020. godine

### Izvještaj

**o evaluaciji učinaka/efekata dodijeljenih budžetskih sredstava i provođenju kontrola na terenu u implementaciji projekta „Identifikacije, mapiranja i saniranja odabranih deponija otpada koje se nalaze u šumi i na šumskom zemljištu u državnom i u privatnom vlasništvu na području općina Travnik i Novi Travnik“ i ostvarenim rezultatima projekta**

Članom 3.2 alineja 4. Ugovora o implementaciji odobrenih sredstava za implementaciju projekata: Identifikacija, mapiranje i saniranje odabranih deponija koje se nalaze na šumskom zemljištu na području općina Travnik i Novi Travnik zaključenog između Ministarstva poljoprivrede, vodoprivrede i šumarstva Srednjobosanskog kantona-Kantonalne uprave za šumarstvo i Asocijacije privatnih šumoposjednika Srednjobosanskog kantona u Travniku (broj: 01-14-34/18-114 od 25.10.2019. godine.), predviđeno je da se po okončanju projekta, a uz učešće predstavnika „korisnik sredstava“, izvrši evaluaciju ukupnog projekta. Dana 30.12.2020. godine, članovi komisije u sastavu:

1. Ana Ljubos dipl. ing šum. - šef Odjeljenja KUŠ-a Novi Travnik
2. Nevzet Pezić – magistar šumarstva - stručni saradnik za integralnu zaštitu šuma
3. Mahir Hodžić šum. Tehničar - kontrolni čuvar šuma za općinu Novi Travnik
4. Zejad Kazija šum. Tehničar - kontrolni čuvar šuma za općinu Travnik i
5. Slaviša Čavara - predstavnik Asocijacije privatnih šumoposjednika Srednjobosanskog kantona,

ostvarili su cjelovit uvid u zaprimljeni Završni izvještaj „korisnik sredstava“, o implementaciji projekta: Identifikacije, mapiranja i saniranja odabranih deponija otpada koje se nalaze u šumi i na šumskom zemljištu u državnom i u privatnom vlasništvu na području općina Travnik i Novi Travnik, proveli kontrolu izvršenih radova na terenu, te u vezi sa istim konstatuju slijedeće:

U okviru projekta uspješno su provedene planirane aktivnosti kako slijedi:

- Izvršeno je identificiranje, mapiranje i klasificiranje 271 (176+95) ilegalne deponije otpada, na području općina Travnik i Novi Travnik.
- Izrađen je spisak za 271 ilegalnu deponiju otpada koji sadrži naziv deponija, GPS koordinate, površinu deponija, procijenjenu količinu otpada, vrstu otpada, status deponije i napomenu da li se ilegalna deponija otpada nalazi na privatnom ili državnom šumskom zemljištu.
- U okviru projekta je izrađena mapa ilegalnih deponija otpada na području općina Travnik i Novi Travnik u A0 formatu. Izrađene mape su dostavljene financijeru projekta i svim partnerima u projektu.
- Izrađeni plakati o financijeru projekta, nosiocu projekta i partnerima u projektu i zabrani odlaganja otpada na saniranoj lokaciji. Plakati su postavljeni na području vodozahvata Jaglinac na području općine Novi Travnik i na Vlašiću- dionica Smet-Trafo stanica, općine Travnik.
- Izvršena sanacija ilegalne deponije otpada i smeća na području planine Vlašić, koja se nalazila u šumi i na šumskom zemljištu na dionici šetnice na Vlašiću u dužini od 10 km (riječ je o dionici Smet-Trafo stanica, općina Travnik), na saniranom lokalitetu

izvršeno je postavljanje 6 informativnih panoa i 6 klupa na istim lokalitetima gdje su postavljeni i informativni panoi.

- Izvršena sanacija ilegalne deponije otpada koja se nalazi na lokalitetu Jaglinac općina Novi Travnik, a na području druge zaštitne zone otvorenog vodozahvata, postavljena zaštitna ograda u visini od 2 metra, dužine 30 metara, te postavljeni drveni pleteri u dužini od 50 metara kako bi se spriječilo osipanje zemljišta i izvršeno postavljanje 2 informativna panoa na saniranom lokalitetu.
- Za potrebe podizanja i unapređenja svijesti javnosti i građana o štetnosti odlaganja otpada izrađene Brošure o štetnosti odlaganja otpada u prirodu i nastajanja ilegalnih deponija otpada i odštampane u 8000 (5000+3000) primjeraka u boji u A4 formatu koju su predstavnici Asocijacije privatnih šumoposjednika SBK dostavili finansijeru, svim partnerima i zainteresiranim stranama u projektu. Pored toga tokom trajanja projekta brošure su podijeljene lokalnom stanovništvu na gradskom trgu u Travniku.
- Osigurano učešće predstavnika finansijera u svim fazama realizacije projekta na terenu
- Osigurano medijsko praćenje predviđenih aktivnosti i promovisanje projektnih aktivnosti tokom trajanja projekta.
- Analiza odnosa planiranih i utrošenih sredstava potvrđuje namjenski utrošak odobrenih sredstava jer nivo planiranih uglavnom prati nivo utrošenih sredstava, sa izuzetkom krive procjene količine otpada koji se nalazio na deponijama koje su ovim projektom predviđene za saniranje, koji je rezultirao time da su određena sredstva u iznosu 15.348,67 KM neutrošena.
- Dana 23.12.2020. godine Asocijacija privatnih šumoposjednika SBK, po pisanom zahtjevu „finansijera“, dostavila je „finansijeru“ dokaz o uplati-povratu neutrošenih sredstava u iznosu 15.348,67 KM.

Na osnovu ostvarenog terenskog uvida i sagledanih izvještajnih podataka, može se zaključiti:

- Da je Asocijacija privatnih šumoposjednika SBK shodno angažovanim ljudskim i materijalnim kapacitetima, uspješno implementirala projekat: Identifikacije, mapiranja i saniranja odabranih deponija otpada koje se nalaze u šumi i na šumskom zemljištu u državnom i u privatnom vlasništvu na području općina Travnik i Novi Travnik.
- Projekat je relevantan jer doprinosi zaštiti okoliša, održivom gospodarenju šumama i odlaganju otpada na području SBK. Odlaganje otpada u šumu i na šumsko zemljište negativno utječe na poslovni imidž i uspostavljene standarde preduzeća šumarstva koje gospodari državnim šumama, vlasnike privatnih šuma i sve građane na području SBK.
- Problem ilegalnih deponija otpada u šumi i na šumskom zemljištu je prisutan već duže vrijeme na području SBK i javna komunalna preduzeća koja su zadužena za pravilno odlaganje i zbrinjavanje otpada na području SBK nisu imala precizne i ažurirane podatke koji su uz korištenje modernih GIS tehnologija prikazani na mapama. Izrađene mape i podaci koji se odnose na ilegalne deponije otpada se mogu koristiti za planiranje strateških i projektnih aktivnosti na nivou općine i kantona po pitanju rješavanja i zbrinjavanja otpada i otvaranja novih radnih mjesta što je svakako u skladu sa strategijom razvoja SBK.
- Implementirane aktivnosti ovog projekta su u skladu sa važećom šumskogospodarskom osnovom za šumskogospodarsko područje Lašvansko sa periodom važenja 2016-2025. godine u kojoj su predviđeni dugoročni ciljevi održivog gospodarenja šumama i unapređenja prirodnih resursa i okoliša u cjelini, i sa Zakonom o šumama Srednjobosanskog kantona iz 2014. godine u kojima je navedeno da je preduzeće šumarstva koje gospodari šumskim resursima na području SBK dužno da vrši uklanjanje i saniranje deponija otpada sa šumskog

zemljišta, dok su sa druge strane čuvari šuma dužni sprečavati odlaganje smeća i ostalog otpada u šumu.

- Implementirane projektne aktivnosti su u skladu i sa Strategijom razvoja Srednjobosanskog kantona za period 2016-2020. godina, odnosno akcionim planom 2018.-2020. godine u kojem je između ostalog definiran i strateški cilj 3. Poboljšati infrastrukturu, komunalne usluge i stanje okoliša i njegovim pripadajući prioritarnim ciljevima Uspostava integriranog sistema upravljanja otpadom i Zaštita i sanacija okolišnih komponenti gdje je predviđena podrška za sanaciju općinskih i divljih deponija (M3.4.1). U okviru strateškog cilja 3. Poboljšati infrastrukturu, komunalne usluge i stanje okoliša predviđeno je da se izradi Plan upravljanja otpadom na području SBK, za šta bi kao osnova trebali poslužiti rezultati ovog projekta. Ovo ukazuje da su implementirane projektne aktivnosti odgovarajuće, praktične i u skladu sa postavljenim ciljevima i očekivanim rezultatima projekta.
- Prilikom pripreme prijedloga projekta kvalitetno su izabrani odgovarajući partneri u projektu i identificirani su krajnji korisnici i ciljne grupe. Unapređenje svijesti građana o značaju pravilnog odlaganja i gospodarenja otpadom ima višestruke efekte koji bi u budućnosti trebali rezultirati smanjivanjem broja ilegalnih deponija otpada na području SBK. Partneri u projektu su bili uključeni u pripremu i implementaciju projekta. Važno je naglasiti da je prilikom implementacije projekta bio uključen značajan broj žena (12) koje su imale jednake mogućnosti kao i muškarci da učestvuju u implementaciji projekta.
- Prednost ovog projekta se ogleda u mogućnosti primjene na području drugih općina na području SBK u cilju unapređenja stanja zaštite okoliša i odgovarajućeg gospodarenja otpadom. Projektne aktivnosti će partnerima u projektu/javnim komunalnim preduzećima olakšati implementaciju sanacije ilegalnih deponija otpada i nakon završetka projekta, što ukazuje i na održivost i kontinuitet samog projekta u budućnosti.
- Prilikom implementacije projekta ostvarene su određene finansijske uštede koje ukazuju na efikasnu i racionalnu implementaciju projekta u cilju minimizacije troškova. Sve projektne aktivnosti su uspješno i na transparentan način realizirane uz učešće partnera u projektu što ukazuje da je Asocijacija privatnih šumoposjednika SBK ozbiljan partner i da ima odgovarajuće ljudske i materijalne resurse da se i u budućnosti bavi istim ili sličnim projektima iz oblasti zaštite prirode i šumarstva.
- Postignuti rezultati u ovom projektu (izrađene mape i podaci) koji se odnose na ilegalne deponije otpada, osim što se mogu koristiti za planiranje strateških i projektnih aktivnosti na nivou općine i kantona po pitanju rješavanja i zbrinjavanja otpada upotrebljivi su i relevantni za izradu odgovarajućih projekata sanacije, te kandidovanje istih prema raspoloživim finansijskim fondovima lokalnog, kantonalnog, entitetskog, nacionalnog i međunarodnog nivoa, te je predmetna komisija stava da bi projekat Identifikacije, mapiranja i saniranja odabranih deponija otpada koje se nalaze u šumi i na šumskom zemljištu u državnom i u privatnom vlasništvu, na istim ili sličnim osnovama, opravdano bilo pokrenuti i implementirati i na svim ostalim općinama, kako bi se daljnjom implementacijom, navedena problematika na istim osnovama cjelovito rješavala na području Srednjobosanskog kantona.

1. Ana Ljubos \_\_\_\_\_
2. Nevzet Pezić \_\_\_\_\_
3. Mahir Hodžić \_\_\_\_\_
4. Zejad Kazija \_\_\_\_\_
5. Slaviša Čavara \_\_\_\_\_

